

मार्निंग डोगरी न्यूज बुलेटिन,

समा. 09.20 Hrs

Headlines

- “प्रधानमंत्री जन-धन योजना” ने अज्ज 12 बरे पूरे कीते।
- मुखमन्त्री उमर अब्दुल्ला होरें गलाया जे सबनैं नागरिकें गी उच्च-म्यार आहली सेहत सेवा देना सरकार दी प्राथमिकता ऐ।
- देश भर च अज्ज “रक्खड़ी” दा त्योहार बड़े उत्साह कन्नै मनाया जा’रदा ऐ।
- जम्मू-कश्मीर च सलाना श्री अमरनाथ यात्रा अज्ज सम्पन्न होई। इस बरे 4 लक्ख 80 ज्हार थमां बद्ध शरदालुएं पवित्र गुफा च कीते दर्शन।
- ते शतरंज च आर. प्रज्ञानंद ने इतिहास रचेआ। Grand Chess Tour जितने आहले पैहले भारती खड्गारी बने।

<><><><><><><>

PM –Jan Dan Yojana

“प्रधानमंत्री जन-धन योजना” ने अज्ज 12 बरे पूरे करी लैते न- जेड़ी देश च वित्तीय समावेशन दे क्षेत्र च इक महत्वपूर्ण उपलब्धी ऐ। इस योजना दा शुभारम्भ प्रधानमंत्री नरेन्द्र मोदी होरें 2014 बरे च अज्जा दे दिन कीता हा। “प्रधानमंत्री जन-धन योजना” तैहत हून तगर नाठ करोड़ शा मते खाते खोले जाई चुके दे न- जिदे च कुल 3 लक्ख 17 ज्हार करोड़ रुपये जमा होई चुके दे न। एह योजना भारतीयें लेई बैंकिंग सुविधायें गी नमैं सिरेया परिभाषत करा’रदी ऐ- जित्थ प्रति खाता औसत जमा राशी 5 ज्हार 356 रुपये ऐ। “प्रधानमंत्री जन-धन योजना” तैहत 18 फीसद ग्राएं च अर्ध शैहरी क्षेत्रें च खोले गे न ते तकरीबन 56 फीसद खाते महिलायें दे न।

इस योजना करी भारत दा वितीय समावेशन सूचकांक 2018 च 53 इशारिया 9 शा बधीये 2026 च 67 होई गेआ ऐ जेड़ा दोआर- बीमा- बजट ते डिजिटल भुगतान तगर व्यापक पुजत गी दर्शादा ऐ।

<><><><><><><>

CM –Quality Health

मुख्यमंत्री उमर अब्दुल्ला होरें गलाया ऐ जे नागरीकें गी उच्च म्यार आहली सेहत सेवा प्रदान करना सरकार दी प्राथमिकता ऐ ते उ'नें जम्मू ते श्रीनगर शा परे बी उच्च म्यार सेवार्यें गी यकीनी बनाने दा आहवान कीता। कल शेर-ए-कश्मीर अंतराष्ट्रीय कन्वेंशन सेंटर- SKICC पर आयोजित त्रंऊ-रोजा Quaternary स्वास्थ्य दिक्खभाल ते शोध शिखर सम्मेलन- चौथे जम्मू-कश्मीर मैडिकल कांफ्रेंस -2026 दे समापन समारोह गी सम्बोधित करदे होई मुख्यमंत्री होरें गलाया जे टेरशरी संस्थान उप्पर भार घट्ट करने लेई जमीनी स्तर पर स्वास्थ्य सेवार्यें गी होर निगगर बनाना लाजमी ऐ। उ'नें इस गल्ल उप्पर बी जोर दिता जे इस गल्ला गी यकीनी बनाया जे जम्मू-कश्मीर दे मरीजें गी इलाज लेई केन्द्र शासत प्रदेश शा बाहर जाने दी लोड़ नैई पवै ते इक संतुलित स्वास्थ्य सेवा- रणनीति अपनाई जा जेड़ी जम्मू-कश्मीर च मजबूत प्राथमिकत ते माध्यमक स्वास्थ्य सेवाएं दे कन्नै दिक्खभाल दी सेवा दा विकास करे।

<><><><><><><>

Police Transfers

जम्मू-कश्मीर सरकार ने बीरवारें 14 पुलिस अधिकारियें दे तुरंत तबादले ते तैनाती दे आदेश जारी कीते। जम्मू-कश्मीर दे IG-CID तेजिंदर सिंह हुंदा तबादला करियै उ'नें'गी जम्मू ज़ोन दा IG बनाया गेआ ऐ।

जम्मू-कश्मीर दे IG Security सुजीत कुमार होरें'गी IG कश्मीर ज़ोन नियुक्त कीता गेआ ऐ। शक्ति कुमार पाठक होरें'गी भ्रष्टाचर रोधी ब्यूरो दे निदेशक दे तौरा पर नियुक्त कीता गेआ ऐ ते Sunny गुप्ता होरें'गी नमां SSP किशतवाड़ बनाया गेआ ऐ। इ'नें नरेश सिंह हुंदी थाहर लैती ऐ। नरेश सिंह हुंदा तबादला करियै उनें'गी SSP राजौरी नियुक्त कीता गेआ ऐ।

<><><><><><><>

PM –Sanskrit Day

प्रधामनंत्री नरेन्द्र मोदी होरें “विश्व संस्कृत” ध्याड़े दे मौके पर देशासियें गी शुभकामनां दितियां न। सोशल मीडिया दी इक पोस्ट च प्रधानमंत्री होरें आखेआ ऐ जे विश्व संस्कृत ध्याड़ा सोन महीने दी पुण्या दे दिन मनाया जंदा ऐ। एह दिन संस्कृत भाशा दी समृद्ध ते प्राचीन विरासत गी चेता करने दा मौका ऐ। उ'नें आखेआ जे संस्कृत भारत दे ज्ञान- नमीं सोच ते रचनाएं गी पीढ़ियें तगर पजाने आहली भाषा रेही ऐ। अज्ज बी केई क्षेत्रें च संस्कृत दा सकारात्मक प्रभास दिक्खेया जंदा ऐ। प्रधानमंत्री होरें भारत ते मुख्य भरै च संस्कृत सिक्खने- सखाने ते एहदी समृद्ध विरासत गी औने आहलियें नमियें पीढ़ियें तगर पजाने आस्तै कम्म करा'रदे सब्भनें लोकें दी सराहना कीती।

<><><><><><><>

PM Mann ki Baat

प्रधानमंत्री नरेन्द्र मोदी होर औंदे ऐतावारें 11 बजे आकाशवाणी पर अपने “मन की बात” कार्यक्रम राए देश-विदेश दे लोकें कन्ने अपने विचार सांझे करगंन। हर महीने दे खीरी ऐतवार गी प्रसारत होने आहले इस कार्यक्रम दी एह 137मीं किशत होग।

कार्जक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app- डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग। हिंदी प्रसारण दे बाद एहदा डोगरी भाशा च अनुवाद प्रसारित कीता जाहग।

<><><><><><><>

Prog. Announcement

राश्ट्री खेड्ढ दिवस दे मौके पर आकाशवाणी दा क्षेत्रीय समाचार एकांश जम्मू इक विशेष चर्चा प्रसारित करने जा'रदा ऐ। शनिवारें 29 अगस्त गी दपैहरी ढाई बजे प्रसारित होने आह्ले 30एं मिंटें दे इस कार्जक्रम दा विशे रौहग अगड़े बधदी भारत दी खेड्ढ जातरा। इस कार्जक्रम च स्हाड़े परौह्ले होडन मन्ने-परमन्ने दे पत्रकार ते यू.एन.आई जम्मू दे ब्यूरो चीफ विशाल भारती जेहड़े इस विशे पर अपने बचार ते तजुर्बे सांझे करडन। कार्जक्रम दी मेजबानी करडन स्हाड़े न्यूज एंकर विजय बजाज

<><><><><><><>

Prez. Raksha –Bandhan

भैनें-भाएं दे अनत्रुट हिरख-प्यार दा धेयार “रक्खड़ी” अज्ज पूरे देश च चार्ये-चार्ये मनाया जा'रदा ऐ।

अज्जे दे ध्याड़े भैनां अपने भाएं दी बिनी पर रंग-बिरंगी रक्खड़ी बन्धियां न ते उन्दी खुशहाली ते नरोई सेहत लेई दुआ करदियां न। बदले च भां अपनी बहनें दी राक्खी ते तांs उमर उन्दा साथ निभाने दा वचन दिंदे न ते उनें'गी तोहफे बी दिंदे न।

जम्मू च बी अज्ज “रक्खड़ी” दा धेयार बड़े मते उत्साह कन्नै मनाया जा’रदा ऐ। बजारें च मिठाइयें दियां हट्टियां ते होर दुइयां दकानां सजी दियां न ते लोकें दी रौनक दिक्खने गी लभा’रदी ऐ। लोक ते चेचा करी न्याने बड्डलै थमां गै गुड्डियां चढा’रदे न।

राश्ट्रपति द्रोपदी मुरमू होरें लोकें गी “रक्खड़ी” दे धेयार दी बधाई दिती ते गलाया जे एह धेयार सदीयें थमां गै देश दी संस्कृति ते परम्परा दा अनटुट हिस्सा रेआ ऐ।

<><><><><><><>

PM. LG. Wishes

प्रधानमंत्री नरेन्द्र मोदी होरें अज्ज लोकें गी “रक्खड़ी” दे धेयार दी मुबारकबाद दिती ऐ। इक सोशल मीडिया पोस्ट च प्रधानमंत्री होरें कामना कीती जे “रक्खड़ी” दा एह धेयार सबनें दे जीवन च खुशहाली- तरक्की ते समृद्धि लेइयै आ। उ’नें एह मेद बी बुज्झी जे हिरख-प्यार ते आपसी विश्वास दा बंधन म्हेशा मजबूत ते अटूट बनेया रवै।

उपराज्यापल मनोज सिन्हा होरें बी सब्भनें लोकें गी “रक्खड़ी” दे धेयार दी बधाई दिती ऐ। अपने सनेह च एल.जी होरें कामना कीती ऐ जे एह शुभ ध्याड़ा समाजक सरबंघें गी होर निगगर करे ते सब्भनें वर्गें च एकता ते इक-जुटता दी भावना दा विकास करे।

<><><><><><><>

Shri Amarnath Yatra

जम्मू-कश्मीर च 57 दिनें तगर चलने आहली सालाना श्री अमरनाथ यात्रा अज्ज रक्खड़ी दे मौके पर सम्पन्न होई गई ऐ। इस बरे एह यात्रा 3 जुलाई गी शुरू होई ही। होर जानकारी साढे संवाददाता इश्फाक शाह थमां.....

तोंआई सालाना बाबा बुड्ढा अमरनाथ यात्रा बी अज्ज सम्पन्न होआ रदी ऐ। सौन महीन च आयोजित एह यत्रा 12 दिन चलदी ऐ। इस दौरान श्रद्धालु जम्मू-कश्मीर दे पुंछ जिले च स्थित बाबा बुड्ढा अमरनाथ मंदरै च पूजा-अर्चना करदे न। एह मंदर पुंछ जिले दे मंडी तैहसील दे राजपुरा गां च स्थित ऐ।

<><><><><><><>

Raksha Bandhan –Udhampur

उधमपुर च बी अज्ज “रक्खड़ी” दा धेयार बड़े उत्साह कन्नै मनाया जा’रदा ऐ। साहदे जिला संवाददाता कन्नै गल्ल करदे होई इक भैन Tanspreet ने गलाया जे एह धेयार भैनै ते भ्राएं बशकार हिरख- प्यार ते सुरक्षा दा अटूट बंधन ऐ। उ’नें आखेआ.....

<><><><><><><>

Chess

भारती ग्रैंड मास्टर आर. प्रज्ञाना नंदा होरें इतिहास रचदे होई ग्रैंड चैस दूर जिती लैआ ऐ। ओह अमरिका दे St. Louis च कल रातीं खेड्ढे गेदे फाईनल च Defending Champion फैंबियानो करुआना गी 15-13 कन्नै हराइयै ग्रैंड चैस दूर जितने आहले पैहले भारती खड्ढारी बनी गे न। Final Day च प्रज्ञाना नंदा- करुआना थमां 6 अंक पिच्छे हे- लेकिन उ’नें शानदार वापसी करदे होई दौनें Rapid Game जितियै बढत हासल करी लैती ।

<><><><><><><>